

Чинопоследования Заупокойной литии
и Панихиды,
совершаемые диаконом без иерея

Богослужебное пособие

Москва
2020

Оглавление

Чинопоследование Заупокойной литии, совершаемое диаконом.....	3
Чинопоследование Панихиды, совершаемое диаконом .	8
Описание каждений на заупокойных богослужениях, совершаемых диаконом	26
Библиография.....	26



**Чинопоследование Заупокойной литии,
совершаемое диаконом**

После Божественной Литургии диакон, взяв кадило с ладаном, благословляется у священника и исходит к тетраподу. Сделав три поясных поклона, начинает богослужение.

Диакон: Молитвами святых отец наших, Господи Иисусе Христе, Боже наш, помилуй нас.

Лик: Аминь.

[От вторника второй седмицы по Пасхе до отдания праздника Светлого Христова Воскресения после «Аминь» хор трижды поет тропарь, глас 5:

Христос воскрес из мертвых, / смертию смерть поправ// и сущим во гробех живот даровав.]

Тропари заупокойные, глас 4:

Со духи праведных скончавшихся / души раб Твоих **[или:** душу раба Твоего; **или:** рабы Твоя], Спасе, упокой, // сохраняя их **[или:** ю] во блаженной жизни, яже у Тебе, Человеколюбче.

В покоищи Твоем, Господи, / идеже вси святии Твои упокоеваются, / упокой и души раб Твоих **[или:** душу раба Твоего; **или:** рабы Твоя], / яко Един еси Человеколюбче.

Слава Отцу и Сыну и Святому Духу.

Ты еси Бог, сошедый во ад и узы окованных разрешивый, / Сам и души раб Твоих **[или:** душу раба Твоего; **или:** рабы Твоя] упокой.

И ныне и присно и во веки веков. **Аминь.**

Едина Чистая и Непорочная Дева, Бога без семене рождающая, / моли спастися душам их [**или:** души его; **или:** ея].

Диакон: Помилуй нас, Боже, по велицей милости Твоей, молим Ти ся, услыши и помилуй. **Лик:** Господи, помилуй (*трижды*).

Диакон: Еще молимся о упокоении душ усопших рабов Божиих (*имена*), и о еже проститися им всякому прегрешению, вольному же и невольному. **Лик:** Господи, помилуй (*трижды*).

Диакон: Яко да Господь Бог учинит души их, идеже праведнии упокоются. **Лик:** Господи, помилуй (*трижды*).

Диакон: Милости Божия, Царства Небеснаго, и оставления грехов их, у Христа, Бессмертнаго Царя и Бога нашего, просим. **Лик:** Подай, Господи.

Диакон: Господу помолимся. **Лик:** Господи, помилуй (*единожды*).

Диакон: Помяни, Господи Боже наш, в вере и надежди живота вечнаго усопших раб Твоих [**или:** усопшаго раба Твоего; **или:** усопшия рабы Твоея] (*имена*), и яко Благ и Человеколюбец, отпускай грехи и потребляй неправды, ослаби, остави и прости вся вольная их [**или:** его; **или:** ея] согрешения и невольная, возставляя их [**или:** его; **или:** ея] во Святое Второе Пришествие Твое в причастие вечных Твоих благ, ихже ради в Тя Единаго верова, Истиннаго Бога и Человеколюбца, яко Ты еси воскресение и жизнь, и покой рабам Твоим [**или:** рабу Твоему; **или:** рабе Твоей] (*имена*), Христе Боже наш, и Тебе славу возсылаем, со

безначальным Твоим Отцем, и с Пресвятым Духом, ныне и присно и во веки веков. **Лик: Аминь.**

[Возможно чтение иной молитвы:

Боже духов и всякия плоти, смерть поправый и диавола упразднивый, и живот миру Твоему даровавый! Сам Господи, упокой душу усопшего раба Твоего **[или: усопшия рабы Твоея; или: усопших раб Твоих]** **(имена)**, в месте светле, в месте злачне, в месте покойне, отнюдуже отбеже болезнь, печаль и воздыхание. Всякое согрешение, содеянное им **[или: ею; или: ими]**, словом, или делом, или помышлением, яко Благий Человеколюбец Бог прости, яко несть человек, иже жив будет и не согрешит, Ты бо един токмо без греха, правда Твоя правда во веки, и слово Твое истина. Яко Ты еси воскресение, жизнь и покой душу усопшего раба Твоего **[или: усопшия рабы Твоея; или: усопших раб Твоих]** **(имена)**, Христе Боже наш, и Тебе славу возсылаем, со Безначальным Твоим Отцем и Пресвятым и Благим и Животворящим Твоим Духом, ныне и присно и во веки веков¹.]

¹ Сщисп. Афанасий (Сахаров) пишет: «Заканчивается молитва текстом возгласа: “Яко Ты еси воскресение и живот”. Но в данном случае этот глас мирянину не надо заменять возгласом “Молитвами святых отец”, ибо это здесь употребляется не в качестве нарочитого иерейского возгласа, в отличие от других молитвословий, читаемых клириками или мирянами, а составляет окончание молитвы, подобно тому, как им же оканчивается и заупокойная молитва на полунощнице или как некоторые молитвы, предназначенные для чтения не иереями, например, молитвы междочасий 1-го и 3-го часов, молитва 9-го часа и др.» (IV. Поминовение усопших на домашней молитве // Афанасий (Сахаров), еп. О поминовении усопших по Уставу Православной Церкви. – Киев: Общество любителей православной литературы Издательство имени святителя Льва, папы Римского, 2008. С.466-467.).

Кондак, глас 8:

Со святыми упокой,/ Христе, души раб Твоих
[или: душу раба Твоего; или: рабы Твоея],/ идеже несть
болезнь, ни печаль,/ ни воздыхание,// но жизнь
безконечная².

[Икос, глас тот же³:

Сам Един еси Безсмертный,/ сотворивый и
создавый человека:/ земнии убо от земли создахомся,/ и
в землю туюжде пойдем,/ якоже повелел еси,/ Создавый
мя и рекый ми:/ яко земля еси и в землю отыдеши,/ аможе
вси человецы пойдем,/ надгробное рыдание творяще
песнь:// Аллилуиа, Аллилуиа, Аллилуиа.

В Пасхальный период икос заменяется на Кондак

Пасхи, глас 8:

Аще и во гроб снизшел еси, Безсмертне,/ но адову
разрушил еси силу,/ и воскресл еси яко Победитель,
Христе Боже,/ женам мироносицам вещавый: Радуйтесь!/
И Твоим апостолом мир даруяй,// падшим подай
воскресение.]

Диакон: Премудрость.

Лик: Честнейшую Херувим и славнейшую без
сравнения Серафим,// без истления Бога Слова
рождшую, сущую Богородицу Тя величаем.

Слава Отцу и Сыну и Святому Духу, и ныне и
присно, и во веки веков. Аминь./ Господи, помилуй
(трижды).// Благослови.

² Совершается каждение.

³ По согласованию с диаконом, икос может быть опущен.


Диакон говорит отпуст отличающийся от иерейского:

Живыми и мертвыми обладая, воскресый из мертвых, Господи Иисусе Христе, Сыне Божий, молитвами Пречистыя Твоея Матере и всех святых, души от нас преставльшихся раб Твоих [или: преставльшагося раба Твоего; или: преставльшуюся рабу Твою] (имена), в селениях праведных учини, в недрах Авраама упокой и с праведными сопричти, а нас помилуй и спаси, яко Благ и Человеколюбец.

Лик: Аминь.

Диакон⁴: Во блаженном успении вечный покой подаждь, Господи, усопшим рабом Твоим [или: усопшему рабу Твоему; или: усопшей рабе Твоей] (имена), и сотвори им [или: ему; или: ей] вечную память⁵.

Лик: Вечная память (трижды). Души их во благих водворятся и память их в род и род [Душа его во благих водворится и память его в род и род; Душа ея во благих водворится и память ея в род и род]⁶.



⁴ На этих словах диакон возносит кадило.

⁵ После этих слов совершается каждение.

⁶ Возможно присовокупить пение Трисвятой песни.



Чинопоследование Панихиды, совершаемое диаконом

После Божественной Литургии диакон, взяв кадило с ладаном, благословляется у священника и исходит к тетраподу. Сделав три поясных поклона, начинает богослужение.

Диакон: Молитвами святых отец наших, Господи Иисусе Христе, Боже наш, помилуй нас.

Чтец: Аминь.

[От вторника второй седмицы по Пасхе до отдания праздника Светлого Христова Воскресения после «Аминь» хор трижды поет тропарь, глас 5:
Христос воскрес из мертвых,/ смертию смерть поправ// и сущим во гробех живот даровав.]

Чтец⁷: Святый Боже, Святый Крепкий, Святый Бессмертный, помилуй нас *(трижды)*.

Слава Отцу и Сыну и Святому Духу, и ныне и присно, и во веки веков. **Аминь.**

Пресвятая Троице, помилуй нас: **Господи,** очисти грехи наша; **Владыко,** прости беззакония наша; **Святый,** посети и исцели немощи наша, имене Твоего ради.

Господи, помилуй *(трижды)*. **Слава** Отцу и Сыну и Святому Духу, и ныне и присно, и во веки веков. **Аминь.**

Отче наш, Иже еси на небесех, да святится имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави

⁷ После начального возгласа диакон может сразу начать возглашать Мирную заупокойную ектению или «Аллилуиа».

нам долги наша, якоже и мы оставляем должником нашим; и не введи нас во искушение, но избави нас от лукаваго.

Диакон: Яко Твое есть Царство и сила и слава во веки.

Чтец (или Диакон): Аминь. Господи, помилуй (12 раз).

Слава Отцу и Сыну и Святому Духу, и ныне и присно, и во веки веков. **Аминь.**

Приидите, поклонимся Цареву нашему Богу (поклон).

Приидите, поклонимся и припадем Христу, Цареву нашему Богу (поклон).

Приидите, поклонимся и припадем Самому Христу, Цареву и Богу нашему (поклон).

Псалом 90:

Живый в помощи Вышняго, в крове Бога Небеснаго водворится. Речет Господеви: Заступник мой еси и Прибежище мое, Бог мой, и уповаю на Него. Яко Той избавит тя от сети ловчи, и от словесе мятежна, плещма Своима осенит тя, и под криле Его надеешися: оружием обыдет тя истина Его. Не убоишися от страха ночнаго, от стрелы летящая во дни, от вещи во тме преходящая, от сряща, и беса полуденнаго. Падет от страны твоя тысяща, и тма одесную тебе, к тебе же не приблизится, обаче очима твоима смотриши, и воздаяние грешников узриши. Яко Ты, Господи, упование мое, Вышняго положил еси прибежище твое. Не приидет к тебе зло, и рана не приблизится телеси твоему, яко Ангелом Своим заповесть о тебе, сохранити тя во всех путех твоих. На руках возмут тя, да не когда преткнеши о камень ногу твою, на аспида и василиска наступиши, и попереши льва и змия. Яко на Мя упова, и избавлю и: покрыю и, яко позна имя Мое. Воззовет ко Мне, и услышу его: с ним есмь в скорби, изму его, и прославлю его, долгоготою дней исполню его, и явлю ему спасение Мое.

Слава Отцу и Сыну и Святому Духу, и ныне и присно, и во веки веков. **Аминь.** Аллилуиа, аллилуиа, аллилуиа, слава Тебе, Боже (трижды).

Диакон: Миром Господу помолимся.

Лик: Господи, помилуй.

О свышнем мире, и о спасении душ наших, Господу помолимся. **Лик:** Господи, помилуй.

О оставлении согрешений, во блаженной памяти преставльшихся, Господу помолимся. **Лик:** Господи, помилуй.

О приснопамятных рабех Божиих [**или:** **О** приснопамятном рабе Божиим; **или:** **О** приснопамятней рабе Божией] (**имена**), покоя, тишины, блаженные памяти их [**или:** его; **или:** ю], Господу помолимся. **Лик:** Господи, помилуй.

О прости им всякое прегрешение вольное и невольное, Господу помолимся. **Лик:** Господи, помилуй.

О неосужденным предстати у Страшного Престола Господа славы, Господу помолимся. **Лик:** Господи, помилуй.

О плачущих и болезнующих, чающих Христова утешения, Господу помолимся. **Лик:** Господи, помилуй.

О отпуститися им [**или:** ему; **или:** ей] от всякия болезни, печали, и воздыхания: и вселити их [**или:** его; **или:** ю], идеже присещает свет лица Божия, Господу помолимся. **Лик:** Господи, помилуй.

О яко да Господь Бог наш учинит души их [**или:** душу его; **или:** душу ея] в месте светле, в месте злачне, в месте покойне, идеже вси праведнии пребывают, Господу помолимся. **Лик:** Господи, помилуй.

О причтении их [**или:** его; **или:** ю] в недрах Авраама, и Исаака, и Иакова, Господу помолимся. **Лик:** Господи, помилуй.

О избавитися нам от всякия скорби, гнева и нужды, Господу помолимся. **Лик:** Господи, помилуй.

Заступи, спаси, помилуй и сохрани нас, Боже, Твоею благодатию. **Лик:** Господи, помилуй.

Милости Божия, Царства Небеснаго, и оставления грехов испросивше тем и сами себе, друг друга, и весь живот наш Христу Богу предадим. Лик: Тебе, Господи.

Диакон: Молитвами святых отец наших, Господи Иисусе Христе Боже наш, помилуй нас. **Лик:** Аминь.

Диакон: Аллилуиа, глас осмый: аллилуиа, аллилуиа, аллилуиа.

Лик (на восьмой глас): Аллилуиа, аллилуиа, аллилуиа.

Диакон: Блажени, яже избрал и приял еси, Господи [**или:** Блажен, егоже избрал и приял еси, Господи; **или:** Блажена, юже избрал и приял еси, Господи].

Лик: Аллилуиа, аллилуиа, аллилуиа.

Диакон: Память их [**или:** его; **или** ея] в род и род.

Лик: Аллилуиа, аллилуиа, аллилуиа.

Диакон: Души их [**или:** душа его; **или:** душа ея] во благих водворятся [**или:** водворится]

Лик: Аллилуиа, аллилуиа, аллилуиа.

Тропарь, глас 8:

Глубиною мудрости человеколюбно вся стройя,/ и полезное всем подавая,/ Едине Содетелю, упокой, Господи, души раб Твоих⁸:/ на Тя бо упование возложиша,// Творца и Зиждителя и Бога нашего.

Слава Отцу и Сыну и Святому Духу,/ и ныне и присно и во веки веков. **Аминь.**

⁸ **Или:** «Душу раба Твоего»; **или:** «Душу рабы Твоея».

Тебе и стену и пристанище имамы,/ и
Молитвенницу благоприятну к Богу,// Егоже родила еси,
Богородице Безвестная, верных спасение.

Тропари по Непорочны заупокойные, глас 5⁹:

Благословен еси, Господи,/ научи мя оправданием
Твоим.

Святых лик обрете источник жизни и дверь
райскую,/ да обрящу и аз путь покаянием,/ погибшее
овча аз есмь,// воззови мя, Спасе, и спаси мя.

Благословен еси, Господи,/ научи мя оправданием
Твоим.

Агнца Божия проповедавшие/ и заклани бывше
якоже агнцы,/ и к жизни нестареем, святии;/ и
присносущней преставльшися:/ Того прилежно,
мученицы, молитесь// долгов разрешение нам даровати.

Благословен еси, Господи,/ научи мя оправданием
Твоим.

В путь узкий хождшии прискорбный,/ вси в
житии крест яко ярем взявшии/ и Мне последовавшие
верою,/ приидите насладитесь,/ ихже уготовах вам
почестей// и венцев небесных.

Благословен еси, Господи,/ научи мя оправданием
Твоим.

Образ есмь неизреченная Твоя славы,/ аще и
язвы ношу прегрешений,/ ущедри Твое создание,
Владыко,/ и очисти Твоим благоутробием,/ и
возжеленное Отечество подаждь ми,// рая паки жителя
мя сотворяя.

Благословен еси, Господи,/ научи мя оправданием
Твоим.

⁹ Совершается малое каждение.

Древле убо от не сущих создавый мя/ и образом
Твоим Божественным почтый,/ преступлением же
заповеди,/ паки мя возвративый в землю, от неяже взят
бых,/ но еже по подобию возведи// древнюю доброту
возобразится.

Благословен еси, Господи,/ научи мя оправданием
Твоим.

Упокой, Боже, рабы Твоя [или: раба Твоего; или:
рабы Твоея] и учини их [или: его; или: ея] в Раи,/ идеже
лицы святых, Господи,/ и праведницы сияют яко
светила;/ усопшия рабы Твоя [или: усопшаго раба
Твоего; или: усопшия рабы Твоея] упокой,// презирая их
[или: его; или: ея] вся согрешения.

Слава Отцу и Сыну и Святому Духу.

Трисиятельное Единого Божества, благочестно
поем вопиюще:/ Свят еси, Отче Безначальный,/
Собезначальный Сыне, и Божественный Душе;/ просвети
нас, верою Тебе служащих,// и вечного огня исхити.

И ныне и присно и во веки веков. Аминь.

Радуйся, Чистая, Бога плотию рождающая во
спасение всех,/ Еюже род человеческий обрете
спасение,/ Тобою да обрящем рай,// Богородице Чистая,
Благословенная.

Аллилуиа, аллилуиа, аллилуиа, слава Тебе, Боже
(трижды).

Заупокойная ектения:

Диакон: Паки и паки миром Господу помолимся.

Лик: Господи, помилуй (единожды).

Еще молимся о упокоении душ усопших рабов
Божиих [или: души усопшаго раба Божия; или: души
усопшия рабы Божия] (имена) и о еже проститися им

[или: ему; или: ей] всякому прегрешению, вольному же и невольному.

Лик: Господи, помилуй (*единожды*).

Яко да Господь Бог учинит души их [или: душу его; или: душу ея], идеже праведнии упокоются.

Лик: Господи, помилуй (*единожды*).

Милости Божия, Царства Небеснаго, и оставления грехов их [или: его; или: ю] у Христа Бессмертнаго Царя и Бога нашего, просим.

Лик: Подай Господи.

Диакон: Господу помолимся.

Лик: Господи, помилуй.

Диакон: Помяни, Господи Боже наш, в вере и надежди живота вечнаго усопших раб Твоих [или: усопшаго раба Твоего; или: усопшия рабы Твоея] (*имена*), и яко Благ и Человеколюбец, отпускай грехи и потребляй неправды, ослаби, остави и прости вся вольная их [или: его; или: ея] согрешения и невольная, возставляя их [или: его; или: ея] во Святое Второе Пришествие Твое в причастие вечных Твоих благ, ихже ради в Тя Единаго верова, Истиннаго Бога и Человеколюбца, яко Ты еси воскресение и жизнь, и покой рабам Твоим [или: рабу Твоему; или: рабе Твоей] (*имена*), Христе Боже наш, и Тебе славу возсылаем, со безначальным Твоим Отцем, и с Пресвятым Духом, ныне и присно и во веки веков. **Лик:** Аминь¹⁰.

Седален, глас 5:

Покой, Спасе наш,/ с праведными рабы Твоя [или: раба Твоего; или: рабы Твоея],/ и сия [или: сего; или:

¹⁰ Возможно чтение молитвы «Боже духов...» (пояснение см. в «Чинопоследовании Заупокойной литии» настоящего издания).

сию] всели во дворы Твоя,/ якоже есть писано,/ презирая
яко Благ, прегрешения их [или: его; или: ея], вольная и
невольная,// и вся яже в ведении и не в ведении,
Человеколюбче.

Слава Отцу и Сыну и Святому Духу,/ и ныне и
присно и во веки веков. Аминь.

От Девы возсиявый миру, Христе Боже,// сыны
света Тою показавый, помилуй нас¹¹.

Канон, глас 6¹².

Песнь 1:

Ирмос: Яко по суху пешествовав Израиль,/ по
бездне стопами,/ гонителя фараона видя потопляема,//
Богу победную песнь поим вопияше.

Диакон (на распев): Покой, Господи, души
усопших раб Твоих [или: душу усопшаго раба Твоего;
или: душу усопшия рабы Твоея].

Лик: Покой, Господи, души усопших раб Твоих
[или: душу усопшаго раба Твоего; или: душу усопшия
рабы Твоея].

Диакон: Слава Отцу и Сыну и Святому Духу.

Лик: И ныне и присно и во веки веков. Аминь.

¹¹ Положенный по чинопоследованию здесь 50 псалом на практике опускается.

¹² Существует отличная от представленной в данном издании схема пения канона на Панихиде. После ирмоса первой песни, дважды повторяется припев (т.е. «Покой...», «Слава», «И ныне», снова «Покой», «Слава», «И ныне»), после чего катавасией поется ирмос третьей песни. Четвертая песнь поется обыкновенно. Пятая и шестая соединяются по той же схеме, как первая с третьей. Седьмая поется обычно, восьмая и девятая поются так же, но перед катавасией вставляется «Богородицу и Матерь Света...» и «Дуси и души праведных...».

Песнь 3:

Ирмос: Несть свят, якоже Ты, Господи Боже мой,/ вознесый рог верных Твоих, Блаже,/ и утвердивый нас на камени// исповедания Твоего.

Диакон (на распев): Покой, Господи, души усопших раб Твоих [или: душу усопшаго раба Твоего; или: душу усопшия рабы Твоея].

Лик: Покой, Господи, души усопших раб Твоих [или: душу усопшаго раба Твоего; или: душу усопшия рабы Твоея].

Диакон: Слава Отцу и Сыну и Святому Духу.

Лик: И ныне и присно и во веки веков. Аминь.

Катавасия: Несть свят, якоже Ты, Господи Боже мой,/ вознесый рог верных Твоих, Блаже,/ и утвердивый нас на камени// исповедания Твоего.

Заупокойная ектения:

Диакон: Паки и паки миром Господу помолимся.

Лик: Господи, помилуй (*единожды*).

Еще молимся о упокоении душ усопших рабов Божиих [или: души усопшаго раба Божия; или: души усопшия рабы Божия] (*имена*) и о еже проститися им [или: ему; или: ей] всякому прегрешению, вольному же и невольному. **Лик:** Господи, помилуй (*единожды*).

Яко да Господь Бог учинит души их [или: душу его; или: душу ея], идеже праведнии упокоются.

Лик: Господи, помилуй (*единожды*).

Милости Божия, Царства Небеснаго, и оставления грехов их [или: его; или: ю] у Христа Бессмертнаго Царя и Бога нашего, просим. Лик: Подай Господи.

Диакон: Господу помолимся. **Лик:** Господи, помилуй.

Диакон: Помяни, Господи Боже наш, в вере и надежди живота вечнаго усопших раб Твоих [или: усопшаго раба Твоего; или: усопшия рабы Твоея] (имена), и яко Благ и Человеколюбец, отпускай грехи и потребляй неправды, ослаби, остави и прости вся вольная их [или: его; или: ея] согрешения и невольная, возставляя их [или: его; или: ея] во Святое Второе Пришествие Твое в причастие вечных Твоих благ, ихже ради в Тя Единого верова, Истинного Бога и Человеколюбца, яко Ты еси воскресение и жизнь, и покой рабам Твоим [или: рабу Твоему; или: рабе Твоей] (имена), Христе Боже наш, и Тебе славу возсылаем, со безначальным Твоим Отцем, и с Пресвятым Духом, ныне и присно и во веки веков. **Лик:** Аминь.

Седален, глас 6:

Воистинну суета всяческая,/ житие же сень и соние,/ ибо все мятется всяк земнородный,/ якоже рече Писание:/ егда мир приобретаем,/ тогда во гроб вселимся,/ идеже вкупе царие и нищии./ Темже, Христе Боже,/ претавльшиися [или: претавльшагося; или: претавльшуюся] упокой,// яко Человеколюбец.

Слава Отцу и Сыну и Святому Духу,// и ныне и присно, и во веки веков. **Аминь.**

Всесвятая Богородице,/ во время живота моего не остави мене,/ человеческому предстательству не ввери мя,// но Сама заступи и помилуй мя.

Песнь 4:

Ирмос: Христос моя сила,/ Бог и Господь, честная Церковь/ боголепно поет, взывающи// от смысла чиста, о Господе празднующи.

Диакон (на распев): Покой, Господи, души усопших раб Твоих [или: душу усопшаго раба Твоего; или: душу усопшия рабы Твоея].

Лик: Покой, Господи, души усопших раб Твоих [или: душу усопшаго раба Твоего; или: душу усопшия рабы Твоея].

Диакон: Слава Отцу и Сыну и Святому Духу.

Лик: И ныне и присно и во веки веков. Аминь.

Песнь 5:

Ирмос: Божиим светом Твоим, Блаже,/ утренующих Ти души/ любовью озари, молюся,/ Тя вести, Слове Божий,/ истинного Бога,// от мрака греховнаго взывающа.

Диакон (на распев): Покой, Господи, души усопших раб Твоих [или: душу усопшаго раба Твоего; или: душу усопшия рабы Твоея].

Лик: Покой, Господи, души усопших раб Твоих [или: душу усопшаго раба Твоего; или: душу усопшия рабы Твоея].

Диакон: Слава Отцу и Сыну и Святому Духу.

Лик: И ныне и присно и во веки веков. Аминь.

Песнь 6:

Ирмос: Житейское море,/ воздвигаемое зря напастей бурею,/ к тихому пристанищу Твоему притек, вопию Ти:/ возведи от тли живот мой,// Многомилостиве.

Диакон (на распев): Покой, Господи, души усопших раб Твоих [или: душу усопшаго раба Твоего; или: душу усопшия рабы Твоея].

Лик: Покой, Господи, души усопших раб Твоих [или: душу усопшаго раба Твоего; или: душу усопшия рабы Твоея].

Диакон: Слава Отцу и Сыну и Святому Духу.

Лик: И ныне и присно и во веки веков. Аминь.

Катавасия: Житейское море,/ воздвигаемое зря
напастей бурею,/ к тихому пристанищу Твоему притек,
вопию Ти:/ возведи от тли живот мой,// Многомилостиве.

Диакон: Паки и паки миром Господу помолимся.

Лик: Господи, помилуй (*единожды*).

Диакон: Еще молимся о упокоении душ усопших
рабов Божиих [**или:** души усопшаго раба Божия; **или:**
души усопшия рабы Божия] (*имена*) и о еже простится
им [**или:** ему; **или:** ей] всякому прегрешению, вольному
же и невольному. **Лик:** Господи, помилуй (*единожды*).

Диакон: Яко да Господь Бог учинит души их [**или:**
душу его; **или:** душу ея], идеже праведнии упокоются.

Лик: Господи, помилуй (*единожды*).

Диакон: Милости Божия, Царства Небеснаго, и
оставления грехов их [**или:** его; **или:** ю] у Христа
Бессмертнаго Царя и Бога нашего, просим. **Лик:** Подай
Господи.

Диакон: Господу помолимся. **Лик:** Господи,
помилуй.

Диакон: Помяни, Господи Боже наш, в вере и
надежди живота вечнаго усопших раб Твоих [**или:**
усопшаго раба Твоего; **или:** усопшия рабы Твоея]
(*имена*), и яко Благ и Человеколюбец, отпускай грехи и
потребляй неправды, ослаби, остави и прости вся
вольная их [**или:** его; **или:** ея] согрешения и невольная,
возставляя их [**или:** его; **или:** ея] во Святое Второе
Пришествие Твое в причастие вечных Твоих благ, ихже
ради в Тя Единого верова, Истиннаго Бога и
Човеколюбца, яко Ты еси воскресение и жизнь, и
покой рабам Твоим [**или:** рабу Твоему; **или:** рабе Твоей]
(*имена*), Христе Боже наш, и Тебе славу возсылаем, со

безначальным Твоим Отцем, и с Пресвятым Духом, ныне и присно и во веки веков. **Лик: Аминь.**

Кондак, глас 8:

Со святыми упокой,/ Христе, души раб Твоих
[или: душу раба Твоего; или: душу рабы Твоея],/ идеже
несть болезнь, ни печаль,/ ни воздыхание,// но жизнь
безконечная.

Икос, глас тот же:

Сам Един еси Безсмертный,/ сотворивый и
создавый человека:/ земнии убо от земли создахомся,/ и
в землю туюжде пойдем,/ якоже повелел еси,/ Создавый
мя и рекый ми:/ яко земля еси и в землю отыдеши,/ аможе
вси человецы пойдем,/ надгробное рыдание творяще
песнь:// аллилуиа, аллилуиа, аллилуиа.

[В Пасхальный период икос заменяется на Кондак

Пасхи, глас 8:

Аще и во гроб снизшел еси, Безсмертне,/ но адову
разрушил еси силу,/ и воскресл еси яко Победитель,
Христе Боже,/ женам мироносицам вещавый: Радуйтесь!/
И Твоим апостолом мир даруяй,// падшим подай
воскресение.]

Песнь 7:

Ирмос: Росодательну убо пещь/ содела Ангел/
преподобным отроком,/ халдеи же опаляющее/ веление
Божие,/ мучителя увеща вопити:// благословен еси, Боже
отец наших.

Диакон (на распев): Покой, Господи, души
усопших раб Твоих [или: душу усопшаго раба Твоего;
или: душу усопшия рабы Твоея].

Лик: Покой, Господи, души усопших раб Твоих
[или: душу усопшаго раба Твоего; или: душу усопшия
рабы Твоея].

Диакон: Слава Отцу и Сыну и Святому Духу.

Лик: И ныне и присно и во веки веков. **Аминь.**

Песнь 8:

Ирмос: Из пламене преподобным росу источил еси/ и праведнаго жертву водою попалил еси:/ вся бо твориши, Христе, токмо еже хотети./ Тя превозносим во вся веки.

Диакон (на распев): Покой, Господи, души усопших раб Твоих [или: душу усопшаго раба Твоего; или: душу усопшия рабы Твоея].

Лик: Покой, Господи, души усопших раб Твоих [или: душу усопшаго раба Твоего; или: душу усопшия рабы Твоея].

Диакон: Благословим Отца и Сына и Святаго Духа, Господа.

Лик: И ныне и присно и во веки веков. **Аминь.**

Диакон, вознеся кадило ввысь перед тетраподом, произносит: Богородицу и Матерь Света в песнях возвеличим.

Лик: Дуси и души праведных восхвалят Тя, Господи.

Песнь 9:

Ирмос: Бога человеком невозможно видети,/ на Него же не смеют чини ангельстии взираати:/ Тобою бо, Всечистая, явися человеком/ Слово воплощенно, Егоже величающе,/ с небесными вои// Тя ублажаем.

Диакон (на распев): Покой, Господи, души усопших раб Твоих [или: душу усопшаго раба Твоего; или: душу усопшия рабы Твоея].

Лик: Покой, Господи, души усопших раб Твоих [или: душу усопшаго раба Твоего; или: душу усопшия рабы Твоея].

Диакон: Слава Отцу и Сыну и Святому Духу.

Лик: И ныне и присно и во веки веков. **Аминь.**

Катавасия: Бога человеком невозможно видети,/ на Него же не смеют чини ангельстии взирати:/ Тобою бо, Всечистая, явися человеком/ Слово воплощенно, Егоже величающе,/ с небесными вои// Тя ублажаем.

Чтец (или диакон)¹³: Святый Боже, Святый Крепкий, Святый Бессмертный, помилуй нас *(трижды)*.

Слава Отцу и Сыну и Святому Духу, и ныне и присно, и во веки веков. **Аминь.**

Пресвятая Троице, помилуй нас: Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй *(трижды)*. Слава Отцу и Сыну и Святому Духу, и ныне и присно, и во веки веков. **Аминь.**

Отче наш, Иже еси на небесех, да святится имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Диакон: Яко Твое есть Царство и сила и слава во веки. **Лик:** **Аминь.**

Тропарі заупокійные, глас 4:

Со духи праведных скончавшихся / души раб Твоих [или: душу раба Твоего; или: рабы Твоея], Спасе, упокой, // сохраняя их [или: ю] во блаженной жизни, яже у Тебе, Человеколюбче.

В покоищи Твоем, Господи, / идеже вси святии Твои упокоеваются, / упокой и души раб Твоих [или:

¹³ На практике часто опускается: после катавасии сразу лик начинает петь заупокійные тропари «Со духи праведных...»

душу раба Твоего; **или:** рабы Твоея], / яко Един еси Человеколюбец.

Слава Отцу и Сыну и Святому Духу.

Ты еси Бог, сошедый во ад и узы окованных разрешивый, / Сам и души раб Твоих [**или:** душу раба Твоего; **или:** рабы Твоея] упокой.

И ныне и присно и во веки веков. **Аминь.**

Едина Чистая и Непорочная Дева, Бога без семене рождшая, / моли спастися душам их [**или:** души его; **или:** ея].

Диакон: Помилуй нас, Боже, по велицей милости Твоей, молим Ти ся, услыши и помилуй.

Лик: Господи, помилуй (*трижды*).

Диакон: Еще молимся о упокоении душ усопших рабов Божиих (*имена*), и о еже проститися им всякому прегрешению, вольному же и невольному.

Лик: Господи, помилуй (*трижды*).

Диакон: Яко да Господь Бог учинит души их, идеже праведнии упокоются.

Лик: Господи, помилуй (*трижды*).

Диакон: Милости Божия, Царства Небесного, и оставления грехов их, у Христа, Бессмертного Царя и Бога нашего, просим.

Лик: Подай, Господи.

Диакон: Господу помолимся.

Лик: Господи, помилуй (*единожды*).

Диакон: Помяни, Господи Боже наш, в вере и надежди живота вечного усопших раб Твоих [**или:** усопшаго раба Твоего; **или:** усопшия рабы Твоея] (*имена*), и яко Благ и Человеколюбец, отпускай грехи и потребляй неправды, ослаби, остави и прости вся вольная их [**или:** его; **или:** ея] согрешения и невольная,

возставляя их [или: его; или: ея] во Святое Второе Пришествие Твое в причастие вечных Твоих благ, ихже ради в Тя Единого верова, Истинного Бога и Человеколюбца, яко Ты еси воскресение и жизнь, и покой рабам Твоим [или: рабу Твоему; или: рабе Твоей] (имена), Христе Боже наш, и Тебе славу возсылаем, со безначальным Твоим Отцем, и с Пресвятым Духом, ныне и присно и во веки веков.

Лик: Аминь.

Диакон: Премудрость.

Честнейшую Херувим и славнейшую без сравнения Серафим, // без истления Бога Слова рождшую, сущую Богородицу Тя величаем.

Слава Отцу и Сыну и Святому Духу, и ныне и присно, и во веки веков. Аминь. / Господи, помилуй (трижды). // Благослови.

Диакон говорит отпуст отличающийся от иерейского:

Живыми и мертвыми обладая, воскресый из мертвых, Господи Иисусе Христе, Сыне Божий, молитвами Пречистыя Твоея Матере и всех святых, души от нас преставльшихся раб Твоих [или: преставльшагося раба Твоего; или: преставльшуюся рабу Твою] (имена), в селениях праведных учини, в недрах Авраама упокой и с праведными сопричти, а нас помилуй и спаси, яко Благ и Человеколюбец.


Лик: Аминь.

Диакон, вознося перед тетраподом кадило: Во блаженном успении вечный покой подаждь, Господи, усопшим рабам Твоим [или: усопшему рабу Твоему; или:

усопшей рабе Твоей] (*имена*), и сотвори им [или: ему; или: ей] вечную память¹⁴.

Лик: Вечная память (трижды). Души их во благих водворятся и память их в род и род [*Душа его во благих водворится и память его в род и род; Душа ея во благих водворится и память ея в род и род*].

Святой Боже, **Святой** Крепкий, **Святой** Бессмертный, помилуй нас (*трижды*).



¹⁴ После этих слов совершается каждение.

Описание каждений на заупокойных богослужениях, совершаемых диаконом

Заупокойная лития. Во время всего богослужения диакон степенно кадит перед тетраподом. Во время пения кондака «Со святыми упокой» и «Вечной памяти» диакон совершает малое каждение по следующей схеме: канун с четырех сторон, иконостас по известной схеме, с амвона пономаря, лик (певчего) и молящихся, по три раза иконы Спасителя и Божией Матери на иконостасе (это действие – только во время пения «Вечной памяти»), после чего идет к тетраподу, где трижды кадит его спереди.

Если диакон не совершает каждения иконостаса, то кадит с четырех сторон тетрапод, от которого кадит пономаря, лик (певчего), молящихся, а затем – перед кануна.

Панихида. Диакон совершает малое каждение, описанное выше, на Тропарях по Непорочны («Благословен еси, Господи...»); полное каждение при совершении богослужения диаконом обычно не совершается), кондаке «Со святыми упокой...» и во время пения «Вечной памяти». Каждение передней части тетрапода легким взмахом совершается в течение всего богослужения.

*Автор-составитель, оформитель:
диакон Алексей Попов*

Библиография

1. Афанасий (Сахаров), еп. О поминовении усопших по Уставу Православной Церкви. – Киев: Общество любителей православной литературы Издательство имени святителя Льва, папы Римского, 2008. – 544 с.
2. Служебник. – Изд. 8-е. – М.: Издательство Московской Патриархии Русской Православной Церкви, 2015. – 592 с.
3. Требник. – М.: Издательский Совет Русской Православной Церкви, 2004. – 608 с.